

第二冊

卷二

治卒霍亂諸急方第十二

治傷寒時氣溫病方第十三

治時氣府起諸勞復方第十四

治瘴氣疫癘溫毒諸方第十五

葛仙翁肘後備急方卷之二

治卒霍亂諸急方第十二

凡所以得霍亂者多起飲食或飲食生冷雜物以肥膩酒膾而當風履濕薄衣露坐或夜臥失覆之所致

初得之便務令煖以炭火布其所臥下大熱減之又並蒸被絮若衣絮自苞冷易熱者亦可燒地令熱水沃敷薄布席臥其上厚覆之亦可作

灼灼爾熱湯著甕中漬足令至膝并銅器貯湯  
以著腹上衣藉之冷復易亦可以熨斗貯火著  
腹上如此而不淨者便急灸之但明案次第莫  
爲亂灸湏有其病乃隨病灸之未有病莫預灸  
灸之雖未卽愈要萬不復死矣莫以灸不卽愈  
而止灸霍亂艾丸若不大壯數亦不多本方言  
七壯爲可四五十無不便火下得活服舊方用  
理中丸及厚朴大豆豉通脈半夏湯先輩所用

藥皆難得今但疏良灸之法及單行數方用之  
有效不減於貴藥已死未久者猶可灸

餘藥乃可難備而理中丸四順厚朴諸湯可不預  
合每向秋月常買自隨

卒得霍亂先腹痛者灸臍上十四壯名太倉在心  
厭下四寸更度之

先洞下者灸臍邊一寸男左女右十四壯甚者至  
三十四壯名大腸募洞者宜瀉



先吐者灸心下二寸十四壯又并治下痢不止上  
氣灸五十壯名巨闕正心厭尖頭下一寸是也  
先手足逆冷者灸兩足內踝上一尖骨是也兩足  
各七壯不愈加數名三陰交在內踝尖上三寸  
是也

轉筋者灸蹶心當拇指大聚筋上六七壯名湧泉  
又灸足大指下約中一壯神驗

又方灸大指上爪甲際七壯

轉筋入腹痛者令四人捉手足灸臍左二寸十四  
灸股中大筋上去陰一寸

若噦者灸手腕第一約理中七壯名心主當中指  
下利不止者灸足大指本節內側寸白肉際左右  
各七壯名大都

乾嘔者灸手腕後三寸兩筋間是左右各七壯名  
間使若正厥嘔絕灸之便通

小品方起死

吐且下利者灸兩乳連黑外近腹白肉際各七壯  
亦可至二七壯

若吐止而利不止者灸臍一夫納中七壯又云臍  
下一寸二七壯

若煩悶溲滿者灸心厭下三寸七壯名胃管

又方以鹽內臍中上灸二七壯

若遶臍痛急者灸臍下三寸三七壯名關元良

治霍亂神祕起死灸法以物橫度病人人中屈之

從心鳩尾飛度以下灸先灸中央畢更橫灸左  
右也又灸脊上以物圍令正當心厭又夾脊左  
右一寸各七壯是腹背各灸三處也

華佗治霍亂已死上屋喚魂又以諸治皆至而猶  
不差者

捧病人腹臥之伸臂對以繩度兩頭肘尖頭依  
繩下夾背脊大骨穴中去脊各一寸灸之百壯  
不治者可灸肘椎已試數百人皆灸畢卽起坐

佗以此術傳子孫代代皆祕之

右此前並是灸法

治霍亂心腹脹痛煩滿短氣未得吐下方

鹽二升以水五升煮取二升頓服得吐愈

又方生薑若乾薑一二升咬咀以水六升煮三沸  
頓服若不卽愈更可作無新藥煮滓亦得

又方飲好苦酒三升小老羸者可飲一二升

又方溫酒一二升以蠟如彈丸一枚置酒中消乃

飲無蠟以鹽二方寸七代亦得

又方桂屑半升以煖飲二升和之盡服之

又方濃煮竹葉湯五六升令灼已轉筋處

又方取楠若樟木大如掌者削之以水三升煮三

沸去滓令灼之也

又方服乾薑屑三方寸七

又方取蓼若葉細切二升水五升煮三沸頓服之

煮乾蘇若生蘇汁卽亦佳



又方小蒜一升咬咀以水三升煮取一升頓服之  
又方以煖湯漬小蒜五升許取汁服之亦可

又方以人血合丹服如梧子大二丸

又方用生薑一斤切以水七升煮取二升分爲三  
服

又方取賣解家机上垢如雞子大溫酒服之差

又方飲竹瀝少許亦差

又方乾薑二兩甘草二兩附子一兩方三升煮取



一升內豬膽一合相和分爲三服

又方蘆蓬茸一大把濃煮飲二升差

若轉筋方燒鐵令赤以灼踵白肉際上近後當縱  
鐵以隨足爲留停令成瘡兩足皆爾須臾間熱  
入腹不復轉筋便愈可脫刀燒蝦尾用之卽差

又方煮苦酒三沸以摩之合少粉尤佳以絮胎縛  
從當膝下至足

又方燒梔子二七枚研末服之

又方桂半夏等分末方寸七水一升和服之差

又方生太豆屑酒和服方寸七

又方燒蜈蚣膏傅之卽差

若轉筋入腸中如欲轉者

取雞矢白一寸水六合煮三沸頓服之勿令病者知之

又方苦酒煮衣絮絮中令溫從轉筋處裹之

又方燒編薦索三撮仍酒服之卽差

又方釜底黑末酒服之差

若腹中已轉筋者

當倒擔病人頭在下勿使及地腹中平乃止

若兩臂脚及胷脇轉筋

取鹽一升半水一斗煮令熱灼灼爾漬手足在  
胷脇者湯洗之轉筋入腹中倒擔病人令頭在  
下腹中平乃止若極者手引陰陰縮必死猶在  
倒擔之可活耳

若注痢不止而轉筋入腹欲死

生薑一兩累擘破以酒升半煮合三四沸頓服  
之差

治霍亂吐下後心腹煩滿方

梔子十四枚水三升煮取二升內豉七合煮取  
一升頓服之嘔者加橘皮二兩若煩悶加豉二  
升甘草一兩蜜一升增水二升分爲三服

治霍亂煩躁臥不安穩方

蔥白二十莖大棗二十枚水三升煮取二升頓

服之

治霍亂吐後大渴多飲則煞人方

以黃米五升水一斗煮之令得三升清澄稍稍

飲之莫飲餘物也

崔氏云理中丸方

甘草三兩乾薑人參白朮各一兩搗下篩蜜丸

如彈丸覺不住更服一枚須臾不差仍溫湯一

斗以麋肉中服之頻頻三五度令差亦可用酒

服 乾薑三兩 甘草人參附子各二兩 水六升 煮取三升

四順湯治吐下腹乾嘔手足冷不止

乾薑甘草人參附子各二兩 水六升 煮取三升

半分為三服 若下不止加龍骨一兩 腹痛甚加

當歸二兩 胡洽用附子一枚 桂一兩 人霍亂亦

不吐痢但四支脉沉肉冷汗出渴者即差

厚朴湯治煩嘔腹脹 二十枚 水三升 煮取一升 分二服

厚朴四兩炙桂二兩枳實五枚炙生薑三兩以  
水六升煮取二升分爲三服

凡此湯四種是霍亂諸患皆治之不可不合也霍  
亂若心痛尤甚者此爲挾毒兼用中惡方治之

附方

孫真人治霍亂  
以胡椒三四十粒以飲吞之

斗門方治霍亂



用黃杉木劈開作片一握以水濃煎一盞服之  
外臺祕要治霍亂煩躁

燒亂髮如雞子大用鹽湯三升和服之不吐再  
服

又方治霍亂腹痛吐痢

取桃葉三升切以水五升煮取一升三合分溫

二服

梅師方治霍亂心痛利無汗立效  
主薑三兩以

取梨葉枝一大握水二升煎取一升服

又方治霍亂後煩躁臥不安穩

蔥白二十莖大棗二十枚以水三升煎取二升  
分服

兵部手集救人霍亂頗有神效

漿水稍酸味者煎乾薑屑呷之夏月腹肚不調  
煎呷之差

孫用和治大瀉霍亂不止

附子一枚重七錢炮去皮臍爲末每服四錢水  
兩盞鹽半錢煎取一盞溫服立止集效方治吐  
瀉不止或取轉多四肢發厥虛風不省人事服  
此四肢漸暖神識便省

回陽散天南星爲末每服三錢入京棗三枚水一  
盞半同煎至八分溫服未省再服

聖惠方治霍亂轉筋垂死

敗蒲席一握細切漿水一盞煮汁溫溫頓服

又方治肝虛轉筋

用赤蓼莖葉切三合水一盞酒三合煎至四合  
去滓溫分二服

又方治肝風虛轉筋入腹

以鹽半斤水煮少時熱漬之佳

孫尙藥治脚轉筋疼痛攣急者

松節一兩細剉如米粒乳香一錢右件藥用銀  
石器由慢火炒令焦只留三分性出火毒研細

每服一錢至二錢熱木瓜酒調下應時筋病皆

治之

古今錄驗方治霍亂轉筋

取蓼一手把去兩頭以水二升半煮取一升半  
頓服之

治傷寒時氣溫病方第十三

治傷寒及時氣溫病及頭痛壯熱脉大始得一日

方

取旨兌根葉合搗三升許和之真丹一兩水一  
升合煮絞取汁頓服之得吐便差若重一升盡  
服厚覆取汗差

又方小蒜一升搗取汁三合頓服之不過再作便  
差

又方烏梅二七枚鹽五合以水三升煮取一升去  
滓頓服之

又方取生柎木削去黑皮細切裏白一升以水二

升五合煎去滓一服八合三服差

又方取木丸子二七枚以水五升接之令熟去滓  
盡服汁當吐下愈

又方雞子一枚著冷水半升攪與和乃復煮三升  
水極令沸以向所和水投湯中急攪令相得適  
寒溫頓服取汗

又方以真丹塗身令遍面向火坐令汗出差  
又方取生薑荷根蕙合搗絞取汁服三四升



又方取乾艾三斤以水一斗煮取一升去滓頓服  
取汗

又方鹽一升食之以湯送之腹中當絞吐便覆取  
汗便差

又方取比輪錢一百五十七枚以水一斗煮取七  
升服汁盡之須臾復以五升水更煮令得一升  
以水二升投中合令得三升出錢飲汁當吐毒  
出也

又方取猪膏如彈丸者溫服之日三服三日九服  
又方烏梅三十枚去核以豉一升苦酒三升煮取  
一升半去滓頓服

又傷寒有數種人不能別令一藥盡治之者若初  
覺頭痛肉熱脉洪起一二日便作蔥豉湯用蔥  
白一虎口豉一升以水三升煮取一升頓服取  
汗不汗復更作加葛根二兩升麻三兩五升水  
煎取二升分再服必得汗若不汗更加麻黃二

兩又用蔥湯研米二合水一升煮之少時下鹽  
豉後內蔥白四物令火煎取三升分服取汗也  
又方豉一升小男溺三升煎取一升分爲再服取  
汗

又方葛根四兩水一斗煎取三升乃內豉一升復  
煎取升半一服搗生葛汁服一二升亦爲佳也  
若汗出不歇已三四日胃中惡欲令吐者

豉三升水七升煮取二升半去滓內蜜一兩又

煮三沸頓服安臥當得吐不差更服取差祕法  
傳於子孫也

又方生地黃三斤細切水一斗煮取三升分三服  
亦可服藜蘆吐散及苦參龍膽散

若已五六日以上者

可多作青竹瀝少煎令減當數數飲之厚覆取  
汗

又方大黃黃連黃檗梔子各半兩水八升煮六七

沸內豉一升葱白七莖煮取三升分服宜老少  
又方苦參二兩黃芩二兩生地黃半斤水八升煮  
取一升分再服或吐下毒則愈

若已六七日熱極心下煩悶狂言見鬼欲起走

用乾菜黃三升水二升煮取一升後去滓寒溫  
服之得汗便愈此方恐不失必可用也祕之  
又方大蚓一升破去以人溺煮令熱去滓服之  
生絞汁及水煎之並善又絞糞汁飲數合至一

二升謂之黃龍湯陳久者佳

又方取白犬從背破取血破之多多爲佳當及熱以薄胷上冷乃去之此治垂死者活無白犬諸純色者亦可用之

又方取桐皮削去上黑者細擘之長斷令四寸一束以酒五合以水一升煮取一升去滓頓服之當吐下青黃汁數升卽差

又方雞子三枚芒硝方寸七酒三合合攪散消盡

服之

又方黃連三兩黃檗黃芩各二兩梔子十四枚水六升煎取二升分再服治煩嘔不得眠

治時氣行垂死破棺千金煮湯苦參一兩咬咀以酒二升半舊方用苦參酒煮令得一升半去滓適寒溫盡服之當間苦寒吐毒如溶膠便愈

又方大錢百文水一斗煮取八升內麝香當門子李子大末稍稍與飲至盡或汗或吐之



治溫毒發斑大疫難救黑膏生地黃半斤切碎好  
豉一升豬脂二斤合煎五六沸令至三分減一  
絞去滓末雄黃麝香如大豆者內中攪和盡服  
之毒從皮中出卽愈

又方用生蝦蟇正爾破腹去腸乃搗吞食之得五  
月五日乾者燒末亦佳矣

黑奴丸胡洽小品同一名水解丸又一方加小麥  
黑奴一兩名爲麥奴丸俱支同此注

麻黃二兩大黃二兩黃芩一兩芒硝一兩釜底  
墨一兩竈突墨二兩梁上塵二兩搗蜜丸如彈  
丸新汲水五合末一丸頓服之若渴但與水須  
臾寒寒了汗出便解日移五赤不覺更服一丸  
此治五六日胃中大熱口噤名爲壞病不可醫  
治用此黑奴丸

又方大青四兩甘草膠各二兩豉八合以水一斗  
煮二物取三升半去滓內豉煮三沸去滓乃內

膠分作四服盡又合此治得至七八日發汗不  
解及吐下大熱甚佳

又方大黃三兩甘草二兩麻黃二兩杏仁三十枚  
芒硝五合黃芩一兩巴豆二十粒熬搗蜜丸和  
如大豆服三丸當利毒利不止米飲止之家人  
視病者亦可先服取利則不相染易也此丸亦  
可預合置

麻黃解肌一二日便服之

麻黃甘草升麻芍藥石膏各一兩杏仁二十枚  
貝齒三枚末之以水三升煮取一升頓服覆取  
汗出卽愈便食豉粥補虛卽宜也

又方麻黃二兩芍藥各一兩生薑三兩以水六升  
煮取二升分爲四服

亦可服葛根解肌湯葛根四兩芍藥二兩麻黃大  
青甘草黃芩石膏桂各一兩大棗四枚以水五  
升煮取二升半去滓分爲三服微取汗

三日已上至七八日不解者可服小柴胡湯柴胡  
八兩人參甘草黃芩各三兩生薑八兩無者乾  
薑三兩半夏五兩湯洗之大棗十二枚水九升  
煮取二升半分爲三服微覆取汗半日須臾便  
差若不好更作一劑

若有熱實得汗不解復滿痛煩躁欲謬語者可服  
大柴胡湯方柴胡半斤大黃二兩黃芩三兩芍  
藥二兩枳實十枚半夏五兩洗之生薑五兩大

棗十二枚水一斗煮取四升當分爲四服當微利也

此四方最第一急須者若幸可得藥便可不營之保無死憂諸小治爲防以窮極耳若病失治及治不差十日已上皆名壞病唯應服大小鼈甲湯此方藥分兩乃少而種數多非備急家所辦故不載凡傷寒發汗皆不可使流離過多一服得微汗汗絜便止未止粉之勿當風初得傷寒使身重腰背

痛煩悶不已脈浮面赤斑斑如錦文喉咽痛或下痢或狂言欲走此名中陽毒五日可治過此死宜用此方

雄黃甘草升麻當歸椒桂各一分水五升煮取二升半分三服溫覆取汗服後不汗更作一劑若身重背強蟄蟄如被打腹中痛心下強短氣嘔逆脣青面黑四肢冷脈沉細而緊數此名中陰毒五日可治過此死用此方



甘草升麻各二分當歸椒各一分鼈甲一兩以  
水五升煮取二升半分三服溫覆取汗汗不出  
湯煮更作也

陰毒傷口鼻冷者乾薑桂各一分末溫酒三合服  
之當大熱差凡陰陽二毒不但初得便爾或一二  
日變作者皆以今藥治之得此病多死治熱病不  
解而下痢困篤欲死者服此

大青湯方大青四兩甘草三兩膠二兩豉八合赤

石脂三兩以水一斗煮取三升分三服盡更作

日夜兩劑愈

又方但以水五升豉一升梔子十四枚芫白一把

煮取三升半分為三服

又方龍骨半斤搗碎以水一斗煮取五升使極冷

稍稍飲其間或得汗即愈矣

又方黃連當歸各二兩乾薑一兩赤石脂二兩蜜

丸如梧子服二十九日三夜再

又方黃連二兩熟艾如鴨卵大以水二斗煮取一升頓服立止

天行諸痢悉主之黃連三兩黃檗當歸龍骨各二兩以水六升煮取二升去滓入蜜七合又火煎取一升半分爲三服效

天行毒病挾熱腹痛下痢升麻甘草黃連當歸芍藥桂心黃檗各半兩以水三升煮取一升服之當良

天行四五日大下熱痢黃連黃檗各三兩龍骨三兩艾如雞子大以水六升煮取二升分爲二服  
忌食猪肉冷水

若下膿血不止者赤石脂一斤乾薑一兩粳米一升水七升煮米熟去滓服七合日三

又方赤石脂一斤乾薑二兩水五升煮取三升分二服若絞臍痛加當歸一兩芍藥二兩加水一

升也

若人便堅閉令利者大黃四兩厚朴二兩枳實四  
枚以水四升煮取一升二合分再服得通者止  
之

若十餘日不大便者服承氣丸大黃杏人各二兩  
枳實一兩芒硝一合搗蜜和丸如彈丸和湯六  
七合服之未通更服

若下痢不能食者黃連一升烏梅二十枚炙燥並  
得搗末蠟如棋子大蜜一升合於微火上令可

九丸如梧子大一服二九日三

若小腹滿不得小便方細末雌黃蜜和丸取如棗  
核大內溺孔中令半寸亦以竹管注陰令痛朔  
之通

又方末滑石三兩葶藶子一合水二升煮取七合  
服

又方搗生蔥薄小腹上參易之

汨胷痞滿心塞氣急喘急方人參朮各一兩枳

實一兩乾薑一兩搗蜜和丸一服一枚若嗽加  
括蕞二兩吐加牡蠣二兩日夜服五六丸不愈  
更服

毒病攻喉咽腫痛方切商陸炙令熱以布藉喉以  
熨布上冷復易

又方取真藺茄瓜甲大內口中以牙小嚼汁以漬  
喉當微覺異爲佳也

毒病後攻目方煮蜂窠以洗之日六七度佳



又方冷水漬青布以掩之

若生翳者燒豉二七粒末內管鼻中以吹之

治傷寒嘔不止方甘草一兩升麻半兩生薑三兩  
橘皮二兩水三升煮取二升頓服之愈

又方乾薑六分附子四分末以苦酒丸如梧子大  
一服三九日三服

治傷寒腕不止方甘草三兩橘皮一升水五升煮

取三升分服日三取差

又方熟洗半夏末服之一錢一服

又方赤蘇一把水三升煮取二升稍稍飲

又方乾薑六分附子四分末苦酒丸如梧子大服  
三丸日三服

比歲有病時行仍發瘡頭面及身須臾周匝狀如  
火瘡皆戴白漿隨決隨生不卽治劇者多死治得  
差後瘡瘢紫黑彌歲方滅此惡毒之氣世人云永  
徽四年此瘡從西東流遍於海中煮葵菜以蒜齧

啖之卽止初患急食之少飯下菜亦得以建武中  
於南陽擊虜所得仍呼爲虜瘡諸醫叅詳作治用  
之有效方

取好蜜通身上摩亦可以蜜煎升麻并數數食  
又方以水濃煮升麻綿沾洗之苦酒漬彌好但痛  
難忍

其餘治猶依傷寒法但每多作毒意防之用地黃  
黑膏亦好

治時行病發黃方茵陳六兩大黃二兩梔子十二  
枚以水一斗先煮茵陳取五升去滓內二物又  
煮取三升分四服亦可兼取黃疸中雜治法差  
比歲又有虜黃病初唯覺四體沉沉不快須臾見  
眼中黃漸至面黃及舉身皆黃急令溺白紙紙卽  
如蘖染者此熱毒已入內急治之若初覺便作菴  
蒂赤豆散吹鼻中鼻中黃汁出數升者多差若已  
深應看其舌下兩邊有白脈彌彌處蘆刀割破之

紫血出數升亦歇然此須慣解剖者不解割忽傷  
亂舌下青脈血出不止便煞人方可燒紡軫鐵以  
灼此脈令焦兼瓜蒂雜巴豆搗爲丸服之大小便  
亦去黃汁破灼已後禁諸雜食又云有依黃坐黃  
復須分別之方

切竹煮飲之

又方搗生瓜根絞取汁飲一升至二三升

又方醋酒浸雞子一宿吞其白數枚

又方竹葉切五升小麥七升石膏三兩末綿裹之  
以水一斗五升煮取七升一服一升盡喫卽差  
也

又方生葛根汁二升好豉一升梔子三七枚茵陳  
切一升水五升煮取三升去滓內葛汁分爲五  
服

又方金色脚雞雌雞血在治如食法熟食並飲汁  
令盡不過再作亦可下少鹽豉佳



治毒攻手足腫疼痛欲斷方用虎杖根剉者適寒  
溫以漬足令踝上有赤許水止之

又方以稻穰灰汁漬足

又方酒煮苦參以漬足差

又方鹽豉及羊尿一升搗令熟以漬之

又方細剉黃蘗五斤以水三斗煮漬之亦治攻陰

腫痛

又方作坎令深三赤少容兩足燒坎令熱以酒灌



坎中着屐踞坎中壅勿令泄

又方煮羊桃汁漬之雜少鹽豉尤好

又方煮馬矢若羊矢汁漬

又方猪膏和羊矢塗之亦佳

又方以牛肉裹腫處腫消痛止

又方搗常思草絞取汁以漬足

又方猪蹄一具合蔥煮去滓內少鹽以漬之

毒病下部生瘡者燒鹽以深導之不過三

又方生漆塗之綿導之

又方大丸艾灸下部此謂窮無藥

又方取蚓三升以水五升得二升半盡服之

又方煮桃皮煎如粘以綿合導之

又方水中苻菜搗綿裹導之曰五易差

又方檉皮槲皮合煮汁如粘糖以導之又濃煮桃

皮飲之最良

又方搗蛇莓汁服三合日三水漬烏梅令濃并內

崖蜜數數飲

若病人齒無色舌上白或喜睡眠憤憤不知痛痒處或下痢急治下部不曉此者但攻其上不以下爲意下部生蟲蟲食其肛肛爛見五臟便死治之方取雞子白內漆合攪還內殼中仰頭吞之當吐蟲則愈

又方燒馬蹄作灰細末猪脂和塗綿以導下部日數度差

又方桃人十五枚苦酒二升鹽一合煮取六合服  
之

又方燒艾於管中薰之令烟入下部中少雄黃雜  
妙此方是溪溫故爾兼取彼治法

又有病蠶下不止者烏頭二兩女萎雲實各一兩  
桂二分蜜丸如桐子水服五丸一日三服

治下部卒痛如鳥啄之方赤小豆大豆各一升合  
搗兩囊貯蒸之令熟更少坐卽愈

此本在雜治中亦是傷寒毒氣所攻故凡治傷寒  
方甚多其有諸麻黃葛根桂枝柴胡青龍白虎四  
順四逆二十餘方並是至要者而藥難盡備且診  
候須明悉別所在撰大方中今唯載前四方尤是  
急須者耳其黃膏赤散在辟病條中預合初覺患  
便服之傷寒時行溫疫三名同一種耳而源本小  
異其冬月傷於寒或疾行力作汗出得風冷至夏  
發名爲傷寒其冬月不甚寒多暖氣及西風使人

骨節緩墮受病至春發名爲時行其年歲中有癘  
氣兼挾鬼毒相注名爲溫病如此診候並相似又  
貴勝雅言總名傷寒世俗因號爲時行道術符刻  
言五溫亦復殊大歸終止是其途也然自有陽明  
少陰陰毒陽毒爲異耳少陰病例不發熱而腹滿  
下痢最難治也

附方

必效方治天行一二日者麻黃一大兩去節以水

四升煮去沫取二升去滓著米一匙及豉爲稀  
粥取強一升先作熱湯浴淋頭百餘椀然後服  
粥厚覆取汗於夜最佳

梅師方治傷寒汗出不解已三四日胃中悶吐豉  
一升鹽一合水四升煎取一升半分服當吐

聖惠方治傷寒四日已嘔吐更宜吐以苦參末酒  
下二錢得吐差

又方治時氣熱毒心神煩燥用藍澱半大匙以新



汲水一盞服

又方治時氣頭痛不止用朴硝三兩搗羅爲散生油調塗頂上

又方治時氣煩渴用生藕汁一中盞入生蜜一合令勻分二服

勝金方治時疾熱病狂言心燥苦參不限多少炒黃色爲末每服二錢水一盞煎至八分溫服連煎三服有汗無汗皆差

博濟方治陰陽二毒傷寒黑龍丹舶上硫黃一兩  
以柳木槌研三兩日巴豆一兩和殼記箇數用  
二升鐺子一口先安硫黃鋪鐺底次安巴豆又  
以硫黃蓋之醞醋半升已來澆之蓋子蓋合令  
緊密更以濕紙周回固濟縫勿令透氣縫紙乾  
更以醋濕之文武火熬常著人守之候裏面巴  
豆作聲數已半爲度急將鐺子離火便入臼中  
急搗令細再以少米醋并蒸餅少許再搗令冷

可丸如雞頭大若是陰毒用椒四十九粒蔥白  
二莖水一盞煎至六分服一丸陽毒用豆豉四  
十九粒蔥白二莖水一盞同煎吞一丸不得嚼  
破

孫用和方治陽毒入胃下血頻疼痛不可忍鬱金  
五箇大者牛黃一阜筴子別細研二味同爲散  
每服用醋漿水一盞同煎三沸溫服

孫兆口訣治陰毒傷寒手足逆冷脈息沉細頭疼

腰重兼治陰毒欬逆等疾方

川烏頭乾薑等分爲麤散炒令轉色放冷再搗  
爲細散每一錢水一盞鹽一撮煎取半盞溫服  
又方治陰勝隔陽傷寒其人必燥熱而不欲飲水  
者是也宜服霹靂散附子一枚燒爲灰存性爲  
末蜜水調下爲一服而愈此逼散寒氣然後熱  
氣上行而汗出乃愈

聖惠方治陰毒傷寒四肢逆冷宜熨以吳茱萸一

升酒和勻濕絹袋二隻貯蒸令極熱熨脚心候  
氣通暢勻暖卽停熨累驗

唐崔元亮療時疾發黃心狂煩熱悶不認人者取  
大括樓一枚黃者以新汲水九合浸淘取汁下  
蜜半大合朴消八分合攪令消盡分再服便差  
外臺秘要治天行病四五日結胃滿痛壯熱身體  
熱苦參一兩剉以醋二升煮取一升二合盡飲  
之當吐卽愈天行毒病非苦參醋藥不解及溫

覆取汗愈

又方救急治天行後嘔逆不下食食入卽出取羊  
肝如食法作生淡食不過三度卽止

又方以雞卵一枚煮三五沸出以水浸之外熟內  
熱則吞之良

聖惠方治時氣嘔逆不下食用半夏半兩湯浸洗  
七遍去滑生薑一兩同剉碎以水一大盞煎至  
六分去滓分二服不計時候溫服

保師方治傷寒病嘔不止半夏熟洗乾末之生薑  
湯服一錢七

簡要濟衆治傷寒咳噫不止及噦逆不定

香一兩乾柿蒂一兩焙乾搗末人參煎湯下一

錢無時服 丁香也

外臺祕要治天行毒病衄鼻是熱毒血下數升者  
好墨末之雞子白丸如梧子用生地黃汁下一  
二十九如人行五里再服



又療傷寒已八九日至十餘日大煩渴熱勝而三焦有瘡鬻者多下或張口吐舌呵吁目爛口鼻生瘡吟語不識人除熱毒止痢方

龍骨半斤碎以水一斗煮取四升沉之井底令冷服五合漸漸進之恣意飲尤宜老少

梅師方治熱病後下痢膿血不止不能食

白龍骨末米飲調方寸七服

食療治傷寒熱毒下血羚羊角末服之卽差又療

備急方  
卷之二  
疝氣

聖惠方治傷寒狐惑毒蝕下部肛外如蠶痛痒不止雄黃半兩先用瓶子一箇口大者內入灰上如裝香火將雄黃燒之候烟出當病處熏之

又方主傷寒下部生蠶瘡用烏梅肉三兩炒令燥杵為末煉蜜丸如梧桐子大以石榴根皮煎湯食前下十九

外臺祕要方崔氏療傷寒手足疼欲脫取羊屎煮

汁以灌之差止亦療時疾陰囊及莖熱腫亦可  
煮黃檗等洗之

梅師方治傷寒發豌豆瘡未成膿研芒消用猪膽  
和塗上效

經驗後方治時疾發豌豆瘡及赤瘡子未透心煩  
狂燥氣喘妄語或見鬼神

龍腦一錢細研旋滴猪心血和丸如雞頭肉大  
每服一丸紫草湯下少時心神便定得睡瘡復

發透依常將息取安

藥性論云虎杖治大熱煩燥止渴利小便壓一切  
熱毒暑月和甘草煎色如琥珀可愛堪貯嘗之  
甘美瓶置井中令冷徹如水白瓷器及銀器中  
貯似茶啜之時人呼爲冷飲子又且尊於茗能  
破女子經候不通搗以酒浸常服有孕人勿服  
破血

治時氣病起諸復勞方第十四

凡得毒病愈後百日之內禁食猪犬羊肉并傷血  
及肥魚久臙乾魚則必大下痢下則不可復救又  
禁食麪食胡蒜韭薤生菜蝦鮓輩食此多致復發  
則難治又令到他年數發也

治篤病新起早勞及食飲多致欲死方

燒鱉甲服方寸七

又方以水服胡粉少許

又方粉三升以煖水和服之厚覆取汗

備急方 卷之二  
又方乾蘇一把水五升煮取二升盡服之無乾者  
生亦可用加生薑四兩豉一升

又方鼠矢兩頭尖者二七枚豉五合以水三升煎  
半頓服之可卽溫覆取汗愈有麻子人肉一升  
加水一升彌良亦可內枳實蔥白一虎口也

又方取伏雞子殼碎之熬令黃黑細末熱湯服一  
合溫覆取汗

又方大黃麻黃各二兩梔子八十四枚豉一升水



五升煮取三升分再服當小汗及下痢

又方濃煮甘皮服之蘆根亦佳

食多而發復方燒飯篩末方寸七良

治交接勞復陰卵腫或縮入腹腹中絞痛或便絕  
方燒婦人月經衣服方寸七

又方取狔子一枚撞之三十六放於戶中逐使喘  
極乃刺脇下取血一升酒一升合和飲之若卒  
無者但服血慎勿便冷應用狔狔



又方取所交接婦人衣覆男子上一食久活之

又方取猥狎脛及血和酒飲之差

又方刮青竹筴二升以水三升煮令五六沸然後絞去滓以竹筴湯溫服之此方亦通治勞復

又方礬石一分消三分末以大麥粥清可方寸匕三服熱毒隨大小便出

又方取蓼子一大把水採取汁飲一升乾者濃取汁服之蔥頭搗以苦酒和服亦佳

又方蚯蚓數升絞取汁服之良

若病差後男接女病女接男病名陰陽易病復者亦必死

卒陰易病男女溫病差後雖數十日血脈未利尚有熱毒與之交接者卽得病曰陰易殺人甚於時行宜急治之

令人身體重小腹急熱上腫胃頭重不能舉眼中生眵膝脛拘急欲死方

取婦人禪親陰上者割取燒末服方寸七日三  
小便卽利而陰微腫者此當愈得童女禪亦良  
若女病亦可用男禪

又方鼠矢兩頭尖者二七枚藍一把水五升煮取  
二升盡服之溫覆取汁

又方蚯蚓二十四枚水一斗煮取三升一服仍取  
汗並良

又方末乾薑四兩湯和頓服溫覆取汗得解止

又方男初覺便灸陰三七壯若未已甚至百壯卽  
愈眼無妨陰道瘡復常

兩男兩女並不自相易則易之爲名陰陽交換之  
謂也

凡欲病人不復取女人手足爪二十枚又取女中  
下裳帶一尺燒灰以酒和米飲服之

大病差後小勞便鼻衄方

左顧牡蠣十分石膏五分搗末酒服方寸七日

三四亦可蜜丸服如梧子大

大病差後多虛汗及眼中流汗方

杜仲牡蠣分等暮臥水服五七則停不止更作

又方甘草二兩石膏二兩搗末以漿服方寸七日  
二服差

又方龍骨牡蠣麻黃根末雜粉以粉身良

又差復虛煩不得眠眼中痛疼懊懣鼓七合烏梅  
十四枚水四升先煮梅取二升半內鼓取一升

半分再服無烏梅用梔子十四枚亦得

又方黃連四兩芍藥二兩黃芩一兩膠三小挺水  
六升煮取三升分三服亦可內乳子黃二枚

又方千里流水一石揚之萬度二斗半半夏二兩  
洗之秫米一斗茯苓四兩合煮得五升分五服

附方

梅師方治傷寒差後交接發動困欲死眼不開不  
能語方

梔子三十枚水三升煎取一升服

治瘴氣疫癘溫毒諸方第十五

辟瘟疫藥干散大麻人栝子人乾薑細辛各一兩  
附子半兩炮搗篩正旦以井華水舉家各服方  
寸七疫極則日三服

老君神明白散术一兩附子三兩烏頭四兩桔梗  
二兩半細辛一兩搗篩正旦服一錢七一家合  
藥則一里無病此帶行所遇病氣皆消若他人



有得病者便溫酒服之方寸七亦得病已四五  
日以水二升煮散一升覆取汗出也

赤散方牡丹五分阜莢五分炙之細辛乾薑附子  
各三分肉桂二分真珠四分躑躅四分搗篩爲  
散初覺頭強邑邑候以少許內鼻中吸之取吐  
溫酒服方寸七覆眠得汗卽差晨夜行及視病  
亦宜少許以內鼻粉身佳牛馬疫以一七著舌  
下溺灌日三四度甚妙也

度瘴散辟山瘴惡氣若有黑霧鬱勃及西南溫風  
皆爲疫癘之候方

麻黃椒各五分烏頭三分細辛木防風桔梗桂  
乾薑各一分搗篩平旦酒服一盞七辟毒諸惡  
氣冒霧行尤宜服之

太乙流金方雄黃三兩雌黃二兩礬石鬼箭各一  
兩半殺羊角二兩搗爲散三角絳囊貯一兩帶  
心前并門戶上月旦青布裏一刀圭中庭燒溫

病人亦燒燻之卽差

辟天行疫癘雄黃丹砂巴豆礬石附子乾薑分等  
搗蜜丸平旦向日吞之一丸如胡麻大九日止  
令無病

常用辟溫病散方真珠肉桂各一分貝母三分熬  
之雞子白熬令黃黑三分搗篩歲旦服方寸匕  
若歲中多病可月月朔望服之有病卽愈病人  
服者當可大效

虎頭殺鬼方虎頭骨五兩朱砂雄黃雌黃各一兩  
半鬼白阜菝蕪荑各一兩搗篩以蠟蜜和如彈  
丸絳囊貯繫臂男左女右家中懸屋四角月朔  
望夜半中庭燒一丸一方有菖蒲藜蘆無虎頭  
鬼白阜菝作散帶之

趙泉黃膏方大黃附子細辛乾薑椒桂各一兩已  
豆八十枚去心皮搗細苦酒漬之宿臘月猪膏  
二斤煎三上三下絞去滓密器貯之初覺勃色

便熱如梧子大一丸不差又服亦可火炙以摩  
身體數百遍佳并治賊風走遊皮膚並良可預  
合之便服卽愈也

單行方術西南社中柏東南枝取暴乾末服方寸

匕立差

又方正月上寅日搗女青屑三角絳囊貯繫戶上

帳前大吉

又方馬蹄木搗屑二兩絳囊帶之男左女右

又方正月朔旦及七月吞麻子小豆各二七枚又  
各二七枚投井中又以附子二枚小豆七枚令  
女子投井中

又方冬至日取雄赤雞作腊至立春煮食盡勿分  
他人二月一日取東行桑根大如指懸門戶上  
又人人帶之

又方埋鵲於園前

斷溫病令不相染著斷髮仍使長七寸盜著病人



臥席下

又方以繩度所住戶中壁屈繩結之

又方密以艾灸病人牀四角各一壯不得令知之  
佳也

又方取小豆新布囊貯之置井中三日出舉家男  
服十枚女服二十枚

又方桃木中蟲矢末服方寸匕

又方鮑魚頭燒三指撮小豆七枚合末服之女用



豆二七枚

又方熬豉雜土酒漬常將服之

又方以鯽魚密致臥下勿令知之

又方栢子人細辛粳米乾薑三分附子一分米酒  
服方寸七日服三服十日

又方用麥蘖服粳米乾薑又云麻子人可作三種  
服之

附方

外臺祕要辟瘟方

取上等朱砂一兩細研白蜜和丸如麻子大常  
以大歲日平旦一家大小勿食諸物面向東立  
各吞三七九永無疾疫

葛仙翁肘後備急方卷之二終

卷之九



谷谷三子此亦

以水賦曰平曰一水六山以食諸

又曰平水也一雨喻形白雲味此收氣于大富

靈地地經賦